

教育部審定

中學校用

卷上

共和國
教科書

西洋史

商務印書館出版

MG
G634.52
36



中學校
教科書
西洋史

編輯大意

(一)我國爲東亞文明首出之國。中學校生。既授本國史及東亞各國史。於世界史學識。適得其半。應進授以世界史。完全之智識。按部章。中學校第三學年。除授東亞各國史外。兼授西洋史。第四學年。專授西洋史。是編特分兩冊。卷上一冊。供第三學年之用。頁數與東亞各國史大略相等。卷下一冊。供第四學年之用。頁數視卷上約加一倍之多。以每週二小時計。適足講授之需。無過繁及太簡之弊。

(二)編次方針。悉依部定之外國歷史要旨。『外國歷史應授以世界大勢之變遷。著名各國之興亡。人文之發達。及與本國有關係之事蹟。』所有一切史材之選集。務期與前列要旨相符。凡瑣屑之事實。無關時局者。概所不取。

(三)全部分爲上古、中古、近古、近世、四期。現代事實。即附入近世期之內。自太古至羅馬帝政末期爲上古。自日耳曼族遷徙至哥倫布發見美洲爲中古。自宗教之

爭至拿破崙之亡爲近古。自神聖同盟至今日爲近世。每期爲一篇。各分章節。眉目清晰。

(一) 西洋史上古中古兩期。合爲一卷。與東亞各國史。各佔中學校第三學年歷史課程之半。所敘史實。務求簡當。適用。不涉枝蔓。而於重要事項。亦無遺漏。

(二) 西洋史近古近世兩期。合爲一卷。專供第四學年之用。頁數既倍於前。史實尤爲宏富。蓋此兩期。爲世界大勢變遷之最著者。影響所及。甚與吾國及東亞有關。且其間君權民權消長之機。政教分合盛衰之故。國際競爭。國際聯合之發達。物質精神兩文明之猛進。皆大有價值於歷史。不可不詳審記敘。卽衡以略古詳今之通例。亦應如是也。

(一) 人名地名譯音。以簡雅切當爲主。務除冗俗謬訛之弊。并附列西文原名。以資徵實。其各國帝王統系。與史事有關者。則列表以明之。

(二) 西洋史紀元。仍從東西通例。用西元紀之。而附中國時代於下。最便互證。

(三) 圖畫。擇其信而可據者。無事濫陳。插入地圖。亦精審而便查檢。

中學校教科書
西洋史卷上

目次

第一篇 上古史

第一章 東方諸國興亡時代

第一節 埃及腓尼基希伯來沿革……………一

第二節 巴比倫亞述之興亡……………四

第三節 波斯之興……………五

第二章 希臘興亡時代

第一節 希臘之國情……………六

第二節 波斯戰役……………八

第三節 雅典斯巴達底比斯爭霸……………九

第四節 馬基頓之興……………十一

第五節	希臘之文化	十三
第三章	羅馬興亡時代	
第一節	羅馬之興	十四
第二節	布匿之戰	十七
第三節	羅馬服屬地中海諸國	十八
第四節	羅馬共和政治之末路	十九
第五節	三雄執政	二十一
第六節	羅馬帝政之世	二十三
第七節	羅馬之文化	二十六
第二篇	中古史	
第一章	歐洲擾亂時代	
第一節	日耳曼之遷徙	二十七
第二節	東羅馬帝國	二十九

第三節	薩拉森之興	三十
第四節	基督教之分裂	三十三
第五節	夏理曼帝國之興亡	三十四
第六節	諾曼之建國	三十五
第二章	教權擴張時代	
第一節	聖羅馬帝與教王之交涉	三十七
第二節	十字軍	三十九
第三節	英法之進步	四十一
第四節	西歐之制度及社會狀態	四十三
第五節	蒙古西征	四十五
第三章	國家主義發生時代	
第一節	教權之衰微 <small>附封建之廢</small>	四十七
第二節	國家主義之發達	四十八

第三節	土耳其之興	附俄羅斯獨立	五十三
第四節	文藝復興	五十五
第五節	新航路新大陸之發見	五十六

中學校教科書 西洋史卷上

第一篇 上古史 *Ancient history*

第一章 東方諸國興亡時代

第一節 埃及腓尼基希伯來沿革

文明發源之地

太古文明諸國之興起也。於黃河大江流域。則有我中華。於恆河印度河流域。則又有印度。其時北非洲之尼羅 Nile 河流域。及西亞之底格里 Tigris 幼發拉的 Euphrates 兩河流域。亦有埃及 Egypt 巴比倫 Babylonia 相繼而起。開文明之曙光。

埃及

埃及 Egypt 在尼羅 Nile 河下游。其建國約在西元前三千年。之神農世尼羅河每年定期泛濫。使土地肥沃。故人民早進於文明之域。學術大發達。金字塔。方尖碑。獅身人面像等。今尚遺存。極千古之偉觀。彼等所用之曆。即為今世所用。太陽曆之基。埃及人民為含族 Hamitic Race 分僧侶。武士。平民三級。戴專制之國王。用象形文

埃及金字塔及獅身人面像



埃及象形文字



靈魂不滅。工斃尸
之術。

西亞濱海之區。爲
腓尼基。Phoenicia
其人善於航海。地
中海岸多有其殖
民地。廣營商業。遠
如英吉利。England
海岸亦往來焉。更
編商隊。以貿易於
大陸。與西亞諸國
交通。爲文化傳播

之。媒。介。工。業。亦。甚。發。達。尤。以。產。紫。色。染。料。著。名。又。發。明。音。標。文。字。為。歐。洲。諸。國。文。字。之。基。

音 標 文 字 圖

希伯來文	腓尼基文	古代希臘文	後代希臘文	英語	希伯來文
Α	𐤀	Α ΑΑ ΑΑ	Α Α	A	𐤀 𐤁
Β	𐤁	Β Β	Β Β	B	𐤁 𐤂
Γ	𐤂	Γ Γ Γ Γ	Γ Γ	G	𐤂 𐤃
Δ	𐤃	Δ Δ Δ Δ	Δ Δ	D	𐤃 𐤄
Ε	𐤄	Ε Ε Ε Ε	Ε Ε	E	𐤄 𐤅
Ζ	𐤅	Ζ Ζ Ζ	Ζ Ζ	Z	𐤅 𐤆
Η	𐤆	Η Η	Η Η	H	𐤆 𐤇
Θ	𐤇	Θ Θ Θ Θ	Θ Θ	Th	𐤇 𐤈
Ι	𐤈	Ι Ι Ι	Ι Ι	I	𐤈 𐤉
Κ	𐤉	Κ Κ Κ	Κ Κ	K	𐤉 𐤊
Λ	𐤊	Λ Λ Λ Λ	Λ Λ	L	𐤊 𐤋
Μ	𐤋	Μ Μ Μ Μ	Μ Μ	M	𐤋 𐤌
Ν	𐤌	Ν Ν Ν Ν	Ν Ν	N	𐤌 𐤍
Ξ	𐤍	Ξ Ξ Ξ	Ξ Ξ	X	𐤍 𐤎
Ο	𐤎	Ο Ο Ο Ο	Ο Ο	O	𐤎 𐤏
Π	𐤏	Π Π Π Π	Π Π	P	𐤏 𐤐
Ρ	𐤐	Ρ Ρ Ρ Ρ	Ρ Ρ	R	𐤐 𐤑
Σ	𐤑	Σ Σ Σ Σ	Σ Σ	S	𐤑 𐤒
Τ	𐤒	Τ Τ Τ Τ	Τ Τ	T	𐤒 𐤓
Υ	𐤓			Y	𐤓 𐤔
Φ	𐤔			Ph	𐤔 𐤕
Χ	𐤕			X	𐤕 𐤖
Ψ	𐤖			Ps	𐤖 𐤗
Ω	𐤗			W	𐤗 𐤘

其國由諸市府聯合而成以西頓 Sidon 推羅 Tyre 二市為最盛西元前九世紀

希伯來


中葉_{周時}推羅殖民於非洲北岸。建迦太基 Carthage 府。腓尼基之南爲巴勒斯坦 Palestine。希伯來 Hebrews 人居於其間。其民奉一神。後因大饑。舉族遷居埃及。歷二百餘年。又因埃及王虐待。於是西元前一千三百二十年頃_{丁商時}摩西 Moses 率之北歸。復至巴勒斯坦建國焉。其始以祭師執政。後改立國王。大關 David 所羅門 Solomon 兩王之世。國勢最盛。於國都耶路撒冷 Jerusalem 營造神廟王宮。極其宏麗。迨所羅門卒。國內亂。分爲猶太 Judea 以色列 Israel 二國。其勢頓衰。

第二節 巴比倫亞述之興亡

底格里幼發拉的兩河之間。有巴比倫及亞述 Assyria 前後興起。巴比倫當西元前二千年_{中夏之世}已進於開明之域。其首都巴比倫 Babylon 爲東西交通之中心。頗極繁盛。及亞述起於北方。遂爲所服。亞述都尼尼微 Nineveh 與巴比倫同屬閃族 Semitic Race 習俗相類。然偏有殺伐之風。夙從事於農耕。文化亦發達。工建築雕刻。兩國皆用楔形文字。刻之於磚。以期久存。而天文學尤爲進步。

兩國之文化

巴比倫楔形文字



西元前八世紀之末。王周時平亞述全有巴比倫。遂用兵於西方。二十年間。先後征服腓尼基。以色列。猶太。諸國。六百七十二年。王周時墓又略埃及。然統御無方。叛亂常不絕。適北方塞克提。Scythia 人入寇。屬國米太。Media 擊退之。因獨立。既而呂底亞。Lydia 埃及巴比倫相繼離叛。亞述遂瓦解。時西元前六百零六年。王周時定

一。西略腓尼基。陷猶太。有併吞三國之勢。不意波斯 Persia 人忽起於東方。局勢爲之一變。自是以後。四國相對峙。而巴比倫爲最強。南攻埃及。

第三節 波斯之興

波斯 Persia 人屬雅利安 Aryans 族。乃勇悍之民也。居於伊蘭 Iran 高原之南部。始屬米太。西元前五百五十八年。王周時靈其王居魯士 Cyrus 滅米太而自立。都蘇

撒。Oma 以次滅呂底亞。巴比倫。兼征服小亞細亞海岸之希臘。Hellas 殖民地。及巴。克。特。里。亞。Bactria 東自印度河。西至愛琴海。Aegean Sea 悉爲所有。開波斯帝國之基。其後居魯士攻塞克提人。沒於陣。子岡比西。Cambyses 繼立。遂滅埃及。師還。卒於道。國內大亂。及達理阿。Darius 卽位。全國復一統。

達理阿分全國爲二十州。州置牧以治政事。要害之地。則築城砦。又設常備軍。開軍道。創驛傳。中央集權之制。於是乎完成。



波斯人奉二神教。名曰瑣羅斯德。Zoroaster 教。然待異教亦甚寬。故領土之內。各教皆有。凡諸文化發生於波斯以前者。亦悉包容於帝國之內。然達理阿猶欲紹居魯士遺志。冀征服塞克提。以擴領土於歐洲。遂與西方之希臘人。以干戈相見。

第二章 希臘興亡時代


第一節 希臘之國情

希臘。Hellas 在巴爾幹。Balkan 半島之南端。其海岸多曲折。富於港灣。且羣島羅

迦大基圖



古代東方諸國圖



第一圖

宗教

布於近海。故交通甚便。風土亦秀麗。適於文化之發達。國民屬雅利安族。分爲多利亞。Dorians 愛奧尼。Ionians 數派。

國內山脈縱橫。分隔全國爲無數區域。居其間者。各據一隅之地。成爲自立之小邦。永無由結合。而爲一國。然以言語風俗。宗教統一之故。自然富於團結之情。所奉爲多神教。最尊者薛烏斯。Zeus 愛鉢羅。Apollo 二神。所在築廟奉祀。尤以奧林庇亞。Olympia 之祀薛烏斯。台爾弗。Delphi 之奉愛鉢羅。爲最有名。奧林庇亞。大祭四年一行。各地人民咸集而競伎。台爾弗神廟。隣近諸邦。結同盟以保護之。斯二者於希臘人。協同結合之念。甚爲有力者也。

斯巴達

希臘諸邦之中。最先起者。爲比羅奔尼蘇。Peloponnesus 之斯巴達。Sparta 其人爲多利亞族。以勤儉尙武爲國。是凡男子七歲。卽由政府收養之。嚴加訓練。專授以武道。俾養成剛毅忍耐之風。卽年已成丁。仍須起臥營中。爲共同之生活。防其陷於奢侈。喪失國粹也。此等法律。爲李考格。Lycurgus 所制定者。由是觀之。斯巴達雖云市府。實可謂之軍營。其市民皆兵也。故能以次征服隣邦。西元前六世紀時。東周

遂稱霸於比羅奔尼蘇半島。

雅典

希臘之中部有雅典。Athenis 其人爲愛奧尼族。政體國情與斯巴達迥異。始爲王政。繼改共和。選官使執政。名曰雅康。Araon 然貴族占實權。壓抑平民。紛爭不已。西元前五百九十四年。周定王時人民舉梭倫。Solon 爲執政。梭倫更定法律。分市民爲四級。隨資產以爲高下。權利義務亦以是爲差。卽下級之人民亦有參政權。立民主政體之基礎。未幾黨爭又生。庇西斯。Pisistratus 出而擅政。至西元前五百零十年。周敬王時克利西尼。Cleisthenes 爲執政。修正梭倫法律。以完成民主政治。嗣是以後人民日益進步。勵商業。勤學術。富盛冠於諸州。

第二節 波斯戰役

希臘人自古以來從事於通商殖民。凡地中海、黑海、愛琴海沿岸及其島嶼皆有希臘之殖民地。而小亞細亞之米利都。Miletus 以弗所。Ephesus 諸市尤極繁榮。及波斯西侵。與呂底亞共被征服。西元前五百年。周敬王時諸市謀獨立。爲波斯所平。雅典以海軍援之。是爲波斯戰役之原因。

戰爭之原因

西元前四百九十二年。王時敬波斯王達理阿發第一次遠征軍。海行遇颶。船艦覆沒。四百九十年。再發大軍。上陸於亞的加 Africa 雅典將米勒狄 Miltiades 迎戰於馬來遜 Marathon 之野。大破之。波斯軍引還。

既而達理阿卒。子薛西斯 Xerxes 嗣立。親率兵百餘萬。戰艦千餘。分道攻希臘。諸地望風降。雅典斯巴達乃聯合而禦敵。斯巴達王烈阿尼 Leonidas 扼守色木巴里 Thermopylae 波斯來攻。烈阿尼奮鬪。衆寡不敵。與其士卒三百人死之。

波斯大軍遂入亞的加。焚掠雅典。先是雅典慮波斯之再舉。預擴張海軍。使狄米斯 Themistocles 將之。至是大破敵艦隊於薩拉米 Saclarnis 灣。薛西斯倉皇歸國。時

西元前四百七十八年。之周敬下

波斯殘兵。猶留駐希臘。翌年希臘破之於布拉的 Plataea 又破其餘艦於小亞細亞之米加勒 Mycale 波斯勢絀。西元前四百四十九年。王時良定遂締和。

第三節 雅典斯巴達底比斯爭霸

波斯敗退之後。雅典與愛琴海諸市府。結提洛 Delos 同盟。自爲盟主。益增置海軍。

國運日隆。既而貝理克 Pericles 爲執政。擴張市民之參政權。取提洛同盟公帑。以

修雅典都城。是時之雅典。不惟政治軍備稱霸於希臘。又爲文學美術工藝貿易之中心。其繁榮前古無比。

然雅典之富強。漸爲斯巴達人所嫉視。適科林斯 Corinth 市與其殖民地扣基拉 Corcyra 相爭。雅典援扣基拉。科林斯乞援於斯巴達。西元前四

貝理克



比羅奔尼蘇之役

戰事之終

叙拉古之遠征

百三十一年。王周考斯巴達雅典遂開戰。歷三十年始已。是爲比羅奔尼蘇之役。戰期之初。貝理克死於疫。雅典驟失偉人。陸戰屢敗。西元前四百二十一年。王周威烈遂與斯巴達和。後有亞基比得 Alcibiades 者。熱心於功名。煽動雅典人。使起師攻西西里 Sicily 之叙拉古 Syracuse 叙拉古者。多利亞殖民地也。故斯巴達出兵援之。再與雅典開戰。是時雅典民政已腐敗。成爲暴民政。治戰略政策不能一貫。海軍殲焉。西元前四百零四年。王周威烈雅典都城亦陷。希臘霸權歸於斯巴達。

斯巴達之
霸業

底比斯之
霸業

腓力之事
業

波斯自締和後。不干涉希臘者數十年。至是。乘希臘內訌。欲大有所爲。先以軍資助
斯巴達。及見斯巴達強大。希臘諸邦。昔之怨雅典者。今又懷怨於斯巴達。波斯乃援
諸州。以與斯巴達抗。斯巴達不得已。與波斯締盟。割讓小亞細亞海岸。且藉波斯之
力。以臨制希臘諸邦。所至撲滅其民主政治。擁立斯巴達黨之政府。以逞暴威。
是時底比斯 Thebes 有二名士。曰百樂不達 Pelopidas 伊巴農 Epaminondas
欲傾覆斯巴達黨所建之貴族政府。恢復民主政治。糾合希臘中部諸市。而爲其盟
主。西元前三百七十一年。王時烈破斯巴達兵於留克特拉 Leuctra 遂握希臘霸權。
其後百樂不達北伐。沒於陣。伊巴農經營比羅奔尼蘇。亦死於曼的尼 Mantinea 之
戰。底比斯霸業。僅十年而消亡。

第四節 馬其頓之興

希臘自比羅奔尼蘇戰後。內訌不絕。各邦皆疲弊。於是馬其頓 Macedonia 興於北
方。馬其頓者。希臘所視爲北狄者也。
馬其頓王腓力 Philip 夙懷大志。銳意輸入希臘文化。以圖開發。已國又組織新式

軍隊征略四方。靜俟時機。以待干涉希臘之內政。

雅典有狄摩西尼 Demosthenes 者。知腓力之有野心。熱誠演說。欲警醒雅典之人。心於是雅典與底比斯聯合。以抗腓力。西元前三百三十八年。王周顯戰於察洛尼。Tharonea 聯軍敗績。希臘全屬於腓力。遂大會於科林斯。各邦公舉腓力為希臘大元帥。議以明年東伐波斯。未幾。腓力為其下所殺。

亞歷山大
之事業


亞歷山大 Alexander 嗣立。繼父之遺志。興東伐之師。西元前三百三十四年。王周顯率兵四萬。渡黑勒斯濱 Hellespont 海峽。波斯王達理阿第三。扼守壹蘇 Issus 然為亞歷山大所破。遂由腓尼基而入埃及。建亞歷山大府於尼羅河口。移兵而東。戰於高伽米拉 Gaugamela 又大破波斯軍。達理阿東奔。為其下所殺。波斯滅亡。自居魯士建國。至是凡二百三十年。

亞歷山大欲開闢東方。率軍過帕提亞 Parthia 巴克特里亞 Bactria 而至印度。更欲東進。以將士不願。乃分軍為海陸二道。繞南方而歸巴比倫。

亞歷山大
統治之策

亞歷山大既定波斯。欲融合東西國民而統一之。故定都巴比倫。與波斯王女結婚。

圖 臘 希 代 古



第二圖

使部下將卒皆娶波斯婦女。廣開新市府。興築國道。以便貿易交通。又極力輸入希臘之學藝。經營未竟。西元前三百二十三年。之周顯王卒於巴比倫。領土分裂。爲馬其頓。敘里亞。Syría。埃及諸國。然仍遵亞歷山大之計畫。使希臘之文化流傳於東方。如埃及之亞歷山大府。爲學藝商業之中心。至爲繁盛。

第五節 希臘之文化

希臘人尙自由。富於美之觀念。其於政治經驗種種。體而卒成共和。足以垂範於後世。文藝學術亦有顯著之發達。爲後世文化之源泉。故其國雖小。其興盛之時亦非久長。然於世界史占極重要之地位也。

論其文學。太古有和曼。Homer 著詩二種。曰伊利亞特。Iliad 奧德賽。Odyssey 其名最著。希臘人之思想品性。多由是而養成。貝理克時代。文藝科學達於高度。詩人技術家。一時輩出。燦然放文明之光。

劇本。其工悲劇者。有伊士奇。Aeschylus 索福克。Sophocles 幼理庇得。Euripides 工喜劇者。有亞里斯多芬。Aristophanes 各極其妙。而演劇亦盛行。

歷史家有希羅多德。Herodotus 著波斯戰記。稱爲史學之父。後有圖克諦。Thucydides 著比羅奔尼蘇戰史。觀察之明。評斷之允。爲後世史家之規範。

哲學本起於小亞細亞。其初賽理斯。Thales 諸人。惟致力於物質之現象。迨蘇格拉底。Socrates 出。始研究心靈。說人生之要義。務期振興道德。

其弟子柏拉圖。Plato 更唱惟心論。述深奧之理。亞里斯多德。Aristoteles 繼之以實驗觀察。二者爲基。研究諸般事物。爲後世科學之始祖。

蘇格拉底



美術

希臘人篤於敬神之念。盡力於建築神廟。故建築術大爲發達。有多利亞。愛奧尼。科林斯。三式。貝理克。時。雅典所建之帕德嫩。Parthenon 廟。卽多利亞式也。今雖已頽廢。猶可想見當時之莊麗。卽雕刻亦極發達。神像及英雄之肖像。製作尤盛。其技之巧妙。遠非後世所能及也。

第二章 羅馬興亡時代

第一節 羅馬之興

羅馬建國

貴族平民
之爭

意大利 Italy 者地中海之半島也希臘人

殖民於其南部而北部則克勒特 Celts 族

之高盧 Gauls 人及伊達拉斯 Etruscans

人領有之中部則有臘丁 Latins 薩賓 Sa-

bines 恩布里 Umbrians 遜尼 Samnites 諸

民族雜處其間其後薩賓臘丁伊達拉斯聯

合而建羅馬 Rome 府羅馬於是起時西元

前七百五十三年 周平王十八年 也

羅馬始為王政西元前五百零九年 周敬王時 改

為共和政體置首領二人名曰公修爾 *Consul*

統司庶務以元老院為行政之府兵員

會為立法之府然當時羅馬人民分貴族平民二級

貴族獨專政權平民不能參政

而負從軍之義且兵器糧食亦須自備以是甚不平一遇國家有事即起而要求權

雅典帕德嫩神殿



利。鬪爭常不絕。貴族漸次退讓。至西元前四百九十四年。王周敬爲保護平民權利。設護民官。謂之圖里奔。Tribune。制定法典。刻於十二銅表。西元前三百六十七年。顯周初王之頒布李錫尼。Licinius 法典。首領二人。必選其一於平民紛爭始定。

當內部紛爭之際。羅馬已能經略四隣。擴張其國。嘗爲高盧人所寇。全城懼於兵燹。西元前三百八十八年。王周安再建羅馬府。恢復舊觀。迨內爭既息。國勢益發達。

是時羅馬之東隣遜尼人。糾合附近諸族。以抗羅馬。使羅馬不得伸張其勢力。西元前三百四十三年。王周顯羅馬與之戰。歷時五十餘年。大戰凡三次。卒鎮服之。中部意大利皆平。

既而羅馬進窺希臘殖民地。與他林敦。Tarentum 開戰。他林敦知不敵。乞援於伊庇魯斯。Epirus 王朴魯斯。Pyrrhus 朴魯斯率其精兵來意大利。屢破羅馬軍。所向無前。然羅馬屢敗之後。已知因應之方。卒大破朴魯斯於貝尼文敦。Benaventum 朴魯斯狼狽回國。他林敦遂降。南部意大利全歸服。於是羅馬廣設殖民地。開通軍道。以確立其主權。

3
二
三

第二節 布匿之戰

羅馬更欲擴勢力於南方之西西里 Sicily 島。當是時迦太基 Carthage 方握地中海霸權。遂與羅馬開釁。前後互百餘年。是為布匿 Punic 之戰。

布匿第一役

是役也。起於西元前二百六十四年。周報交戰於西西里。羅馬陸軍精銳。屢次獲勝。而海軍不振。遂極力增造戰船。編成艦隊。西元前二百四十一年。秦始大破敵艦隊於亞加的 Megares 迦太基力屈請和。出償金。棄西西里。

羅馬既收西西里為屬地。又乘迦太基內亂。奪據撒丁 Sardinia 科西嘉 Corsica 兩

島。更北伐高盧。擴領土於波河 Po R. 流域。迦太基大將哈米克 Hannibal Barca

赴西班牙 Spain 拓殖其地。教練士卒。誓報怨於羅馬。其子漢尼拔 Hannibal 繼之

兩國之戰又起。

布匿第二役

西元前二百十八年。秦始漢尼拔率兵六萬。發西班牙。過高盧之野。踰阿爾卑斯

Alps 山而至意大利平原。漢尼拔用兵如神。連戰連勝。康納 Cannes 之戰。幾殲羅馬

全軍。意大利之地。占領其大半。然孤軍久懸於敵境。諸方援兵。迄不能至。軍氣因之

漢 尼 拔



沮喪。

敘拉古·Syracuse 與迦太基同盟。羅馬陷之。又使西庇阿·Cornelius Scipio 略取西班牙。其凱旋也。徑上陸於非洲。進攻迦太基。迦太基危窘。急召還漢尼拔。西元前二百零二年。漢高祖時漢尼拔與西庇

阿戰於撒馬·Nama 大敗。迦太基請和。割讓西班牙。無羅馬之許可。不得與外國開戰。

第三節 羅馬服屬地中海諸國

自亞歷山大死後。其國分爲敘利亞·埃及·馬其頓·三大國。及本都·Pontus 別伽摩·Pergamus 諸小國。是皆沐浴希臘之文化者也。當羅馬握地中海霸權之時。敘利亞之東部。獨立而爲帕提亞·Parthia 巴克特里亞·Bactria 一國。領土大蹙。馬其頓雖領有希臘。然希臘諸州。分爲亞該亞·Achaia 哀陀利亞·Aetolia 兩盟。勢同獨立。此等諸國。漸次與羅馬生交涉。

亞歷山大
沒後東方
諸國

馬。其頓當第二布匿戰時。出兵助漢尼拔。與羅馬戰而敗。遂講和。西元前二百年。高漢
時。馬其頓王腓力第五。Philip V 與敘利亞王謀瓜分埃及。東方諸小國乞羅馬干
涉之。羅馬乘機討馬其頓。破腓力之兵。使出償金結和。

時。漢尼拔奔敘利亞。其王優遇之。欲與羅馬爭雄。出兵希臘。羅馬擊退之。更進軍小
亞細亞。大敗敘利亞之兵。使之割地以和。

迦太基自第二布匿戰後。元氣不久即恢復。富盛如前。大為羅馬所忌。欲乘機滅之。
西元前一百四十九年。漢景帝時迦太基與努米底亞 Numidia 開戰。羅馬宣言迦太基

背約。使小西庇阿 Publius Scipio Aemilianus 率兵討之。迦太基市民。無論男女。
皆執兵死守。相持三年。西元前一百四十六年。漢景帝時城卒陷。羅馬人遂墟其地。

當羅馬之圍攻迦太基也。馬其頓乘機再舉兵。希臘亦效之。迦太基滅亡之歲。馬其
頓亦為羅馬所平。收為屬地。繼取別伽摩 Pergamus 又平西班牙之亂。至西元前

一百三十三年。漢武帝時南歐三大半島及地中海沿岸。大抵歸於羅馬之版圖。

第四節 羅馬共和政治之末路

國俗之墮落

格拉克兄弟之改革

馬略蘇臘之爭

羅馬版圖既廣。世界之財富。與其文化。共集注於國都。人心漸以懈怠。失往時勇武剛健之氣。釀成驕奢文弱之風。加以膺要職者。濫用權力。盤剝重利。兼併土地。使庶人失其職業。田產陷於飢寒。貧富之懸隔日甚。

有提比略·格拉克·Tiberius Gracchus 者。懷救濟之志。西元前一百三十三年。被選爲護民官。限制土地所有權。抑富豪而扶貧弱。富人抗之。遂殺提比略。其弟愷雅·格拉克·Caius Gracchus 繼兄之位。再行大改革。旋亦被害。

於是貧富兩黨之爭。漸激。時有馬略·Marius 者。起身微賤。而爲首領。嘗討努米底亞·Numidia 滅之。條頓·Teutons 金巴利·Cimbri 二族。自高盧入寇。亦爲馬略所擊退。聲名甚盛。又有蘇臘·Sulla 者。出於貴族。意大利諸州。嘗欲離羅馬。而獨立。爲蘇臘所平。其功亦偉。是一人者。一爲貧民黨魁。一爲富民黨魁。勢均力敵。適本都王米斯理·Mithridates 舉兵擾東邊。二人爭爲帥。兩黨之訌。遂起。

蘇臘以兵力壓服馬略之黨。馬略逃於非洲。蘇臘遂東征本都馬略。乘虛還羅馬。大殺富民黨人。被選爲首領。未幾病沒。辛那·Cinna 代爲黨魁。既而蘇臘自東方凱旋。

又痛殺貧民黨。沒收其財產。自爲終身總指揮官。掌握全權。羅馬共和政治之敗壞。起於斯矣。西元前七十八年。漢昭帝時蘇臘沒。

第五節 三雄執政

蘇臘沒後。羅馬政弊益甚。加以馬略之殘黨。蜂起於西班牙。內地又有奴隸之亂。地中海。則海盜橫行。殆呈無政府之狀態。本都王米斯理。乘機復舉兵。內憂外患交迫。幸有大將龐培。Pompey 以次平定諸亂。且於亞細亞方面。大擴張羅馬之版圖。然元老院忌其威名。不酬其勳。龐培乃與貧民黨魁愷撒。Julius Caesar 富豪革拉蘇。Cicero 相結。西元前六十年。漢宣帝時組織第一次三頭政治。三雄恣意處理國事。愷撒以西元前五十八年。出爲高盧總督。八年之間。東越來因。Rhine 河。一次討日耳曼。Germanians 族。北渡英吉利。English 海峽。二次征定不列顛。Britain 且輸入羅馬文化。以開發其地之人民。此時革拉蘇在敘利亞。與帕提亞戰而敗死。龐培獨留羅馬。忌愷撒威名。使元老院解散愷撒軍隊。收其總督印綬。愷撒不奉命。率兵入羅馬。龐培不能禦。與其黨逃於希臘。愷撒追擊之。破之於非爾薩刺。Pharsalus 時。

愷撒之政治

西元前四十八年也。龐培走埃及。被殺。愷撒遂定埃及。以為保護國。龐培餘黨之散處各地者。悉皆平定。西元前四十五年漢元帝時。凱旋羅馬。

愷撒又富於政治之才。因集全國政教兵馬之權於一人。任終身總指揮官。尊為元帥。Imperator。掃蕩政界宿弊。抑制富豪。建殖民地於海外。移貧民居之。獎勵學藝。採用埃及之太陽曆。施設甚美。然布盧多。Brutus 之徒。謂其危害共和政治。西元

第二次三頭政治

屋大維



前四十四年漢元帝時。黨人刺殺愷撒於元老院。愷撒之嗣子屋大維。Octavianus 與安敦 Antonius 雷比達。Lepidus 組織第二次三頭政治。擊布盧多等於腓力比。Philippi 殺之。三分全國而各有其

一。既而屋大維與雷比達有隙。盡奪其地。於是屋大維安敦。中分羅馬。安敦領東方。惑於埃及女王姑婁巴。Cleopatra 之色。不卹國事。屋大維擊之。西元前三十一年漢成帝時。兩軍戰於亞克敦。Actium 安敦艦隊敗。與姑婁巴走埃及。共自殺。羅馬因收埃

及爲屬地。

第六節 羅馬帝政之世

屋大維自爲元帥。集大權於一身。元老院又奉以奧古士都 Augustus 之尊號。

之神聖 雖共和政治仍存。不廢實無異於專制之帝王。故史家稱西元前三十年 帝漢成

年始三 以後爲羅馬帝政時代。

奧古士都用心內政。獎勵文藝。爲臘丁文學黃金時代。其時詩人有韋琪 Virgil 賀

勒西 Horace 史家有李維 Livy 并能以文章頌揚太平。羅馬府則建築宮殿劇場。

以增國都之盛觀。奧古士都又擊退日耳曼 Germans 族。欲擴版圖於來因 Rhine

河東。乃西元九年 時王莽 日耳曼人大敗羅馬之兵。於是奧古士都不復進取。築城砦

於來因多瑙 Danube 兩河之濱。以爲邊鎮。

羅馬帝系略表

奧古士都 C. Julius Caesar Octavianus (西元前三〇一西元一四)

提比略 Tiberius Claudius Nero (一四—二七)

伽利古 Caligula

(三七—四一)

喀勞狄 F. Claudius N. G.

(四一—五四)

尼祿 Nero

(五四—六八)

華士辟 Flavius V. spasianus

(六九—七九)

第度 Titus

(七九—八一)

杜密善 Domitianus

(八一—九六)

那爾華 M. C. Nerva

(九六—九八)

圖拉真 M. U. Trajanus or Trajan

(九八—一一七)

哈德良 P. A. Hadrianus

(一一七—一三八)

庇護 F. A. Antonius Pius

(一三八—一六一)

瑪克奧理 M. Aurelius Antonius

(一六一—一八〇)

廿四帝(不具錄)

(一八〇—二八四)

戴克理先 Diocletian

(二八四—三〇五)

羅馬帝國史
Diocletian

時帝政之盛

君士坦丁 Constantine

(三三三—三三七)

狄奧多西 Theodosius

(三七九—三九五)

奧古士都之後。暴主相繼出。而尼祿 Nero 爲尤惡。帝業遂衰。然自西元九十六年

帝時和至一百八十年帝時靈之間。名君相亦相繼出。羅馬達於繁盛之極度。其中圖拉

真 Trajanus 尤爲英主。名亞於奧古士都。平定多瑙河北方。得達西亞 Dacia 之地。

又親征帕提亞。占領美索不達米亞 Mesopotamia 故帝國版圖以圖拉真時爲最

大。

圖拉真紀功柱



然其後軍隊專權。帝位之廢立一任其意。內亂不已。帝業因之又衰。外則波斯(波

斯薩山朝 Sassanide)滅帕提亞。進略羅馬東邊。日耳曼諸族亦越界入寇。國勢

瀕於危殆。

羅馬分裂之始

羅馬人有質而無文

幸而戴克理先 Diocletian 嗣位羅馬得再中興。惟專制之政體實於是時完成。共和制度全行廢棄。又以帝國廣大。統御為難。乃分全國為四區。各置副王以統轄之。紀綱因之漸振。然帝國之分裂亦基於此矣。其後君士坦丁 Constantine 立。復統一帝國。奠都君士坦丁堡 Constantinople。改革庶政。身沒之後。帝國分合無定。至西元二百九十五年晉孝武時狄奧多西 Theodosius 死後。遂永分為東西羅馬。


君士坦丁



第七節 羅馬之文化

羅馬人為優於實事之國民。故於政治軍事極能發展。其天才遂建設最大之帝國。而又善於統轄之法律思想亦富。故研究法理編纂法典有裨後世。不尠。至如文學藝術則非其所長。雖帝政時代名家輩出。文學燦然。此不過摹倣希臘而已。惟建築頗能自出機杼。如水道浴堂劇場凱旋門之類。規模之宏大遠勝於希臘。

古 代 羅 馬 圖



第三圖

羅馬之宗

羅馬人所奉為多神教與希臘甚相似。迨其後征服四方。各種宗教皆流行於國內。思想界混亂道德因之頹敗。

西元前四年帝漢時哀耶穌基督 Jesus Christ 生於猶太之伯利恆 Bethlehem 年三

基督教之興

十而創新教以博愛為宗旨自稱救世主猶太人誣其叛逆處以磔刑然因其教義之公溥與弟子之熱心終廣布於天下。

羅馬諸帝謂基督教有害於治安屢虐待之而其教益盛至君士坦丁時遂解除禁令且定基督教為羅馬國教。

第二篇 中古史

第一章 歐洲擾亂時代

第一節 日耳曼人之遷徙

日耳曼 Germans 者蟠據歐洲中部之大民族也分為哥德 Goths 法蘭 Franks

薩克森 Saxons 阿拉曼尼 Alamanni 萬達 Vandals 數族風俗鄙野勇悍好鬪

屢寇羅馬之邊羅馬築城堦於來因多瑙兩河之旁以防之迨第四世紀之末東晉季世

日耳曼遷徙之原因

諸族遷徙
之次第

匈族之西
侵

西羅馬之
亡及日耳
曼族之建
國

有匈。Huns 人者。遺匈族奴自亞細亞西徙。征服黑海北部之東哥德人。西哥德爲其所迫。不能敵。請於羅馬帝。願渡多瑙河。徙居帝國境內。是爲日耳曼人遷徙之原因。既而西哥德王阿拉列。Alaric 乘東西羅馬相爭之際。舉兵寇希臘。進略意大利。西帝急召高盧軍隊以禦之。來因之邊備遂虛。法蘭阿拉曼尼萬達諸族。如洪河之決。爭入高盧西班牙。而阿拉列自入意大利。後肆掠羅馬。旋病死。遺衆徙居高盧。漸蔓延於西班牙。

是時匈王遏的刺。Attila 率匈族日耳曼族之兵。大舉西進。所向披靡。席卷歐洲中部。進擊高盧羅馬守將與哥德法蘭諸族協力當之。西元四百五十一年。宋孝武大破之。遏的刺乃班師。未幾病沒。匈族版圖因之瓦解。

西羅馬雖免爲匈人蹂躪。然國勢日衰。傭日耳曼人爲兵。政權落於其手。西元四百七十六年。宋若福日耳曼軍將鄂多瓦。Odoaker廢西帝自立爲意大利王。西羅馬遂亡。

鄂多瓦之建國也。日耳曼諸族之建國者亦先後不絕。其先於鄂多瓦者爲萬達人。

英吉利之起

查士丁尼

立國於阿非利加 Africa 都迦太基稱霸於海上。繼鄂多瓦而起者為東哥德人狄奧多理 Theodoric 率衆向意大利滅鄂多瓦為意大利王。頗能治政。時稱小康。最後興者為法蘭其王克羅偉 Clovis 統一法蘭諸部為墨羅溫 Merovingian 朝之祖。據有高盧。又略阿拉曼尼。擊退西哥德之衆。擴地至於嘎倫 Garonne 河西哥德敗後。則退居於西班牙。薩克森人及盎格羅人 Angles 朱特人 Jutes 亦於西羅馬未亡之前。入不列顛 Britain 而建國。英吉利 English 由此起。總之西羅馬舊地。無論何處。悉為日耳曼族所據。

第二節 東羅馬帝國

東羅馬帝國。領有亞得里亞海 Adriatic Sea 以東。至幼發拉的河之地。然而外有日耳曼族之窺邊。內有朋黨之相鬩。國勢甚不振。及查士丁尼 Justinian 即位。有志於安內攘外。乃先杜絕黨爭。放逐異教徒。內訂遂靖。又遣將軍貝利薩 Belisarius 滅非洲之萬達。進攻意大利。旋召還以那錫士 Narses 繼之。用兵二十年。至西元五百五十五年。梁敬帝時。卒滅東哥德。又奪西班牙之東南部。國威大張。

查士丁尼又留心內治。築城壘於邊境。以固國防。都中建聖蘇斐亞。St. Sophia 禮拜堂。以表壯觀。且由中華輸入養蠶之法。使學士杜立本。Tribonianus 等編纂法典。是皆有裨益於後世。可以特記之者也。

東羅馬與波斯之關係


當是時。帝國之北境。有阿華。Avars 倫巴。Langobards 諸族。屢寇邊境。東方則波斯。西哥士婁。第一。Chosroes 勢正盛強。侵略帝國。查士丁尼欲專用力於西方。賜阿華。倫巴之地。以懷之。且致歲幣於波斯。與之和好。然帝之政策。規模。雄偉。經費。浩繁。國庫大為消耗。及帝死而國勢又衰。西元五百六十八年。陳時倫巴率族南下。建國於意大利。西班牙之地。則為西哥德所恢復。波斯亦侵擾東邊。西元七世紀之初。隋時波斯。王。哥士婁。第二。征略敘里亞。埃及。越黑勒。斯濱。海峽。而圍君士坦丁堡。東帝希拉克略。Heraclius 敗之。乘勝追擊。進逼波斯之都。奪還所侵地。是役也。兩帝國共極疲弊。使薩拉森。Saracens 得以興起於南方。

第二節 薩拉森之興

阿刺伯。Arabia 半島。皆廣漠之沙原。人民以游牧為事。惟濱海之地。夙營商業。而

阿刺伯之舊狀

日耳曼諸國圖



第四圖

穆罕默德
開宗

薩拉森
張領土

以默伽 Mecca 默德那 Medina 二市爲中心。至爲繁盛。其民分若干部落。時相鬪爭。不能統一。宗教則崇拜天體及偶像。

穆罕默德 Mohammed 者。默伽人也。少遊絃里亞。得聞猶太基督兩教之教義。遂

有所感。年四十歲時。自稱真神阿賴 Allah 之使。力斥崇拜偶像之非。默伽人欲害

之。西元六百二十二年。唐高祖時逃於默德那。後遂以是年爲回教之紀元。謂之黑蚩拉

Hegira 節。穆罕默德由是欲以兵力宣布其教義。率默德那人攻陷默伽。不數年。征

服阿刺伯全部。遂爲回教祖開薩拉森帝國之基。西元六百三十二年。唐太宗時卒。

穆罕默德沒後。歷代教主欲藉兵力以傳可蘭 Koran 回教經典於天下。乘東羅馬之疲

弊。侵略敘利亞。巴勒斯坦。埃及。繼於西元六百四十二年。唐太宗時滅波斯。奄有伊蘭。高

原卽烏滸 Oxus 河（卽今中亞細亞之阿姆 Annu 河）外之突厥 Turks 人。亦

使之改宗回教。

迨翁米亞 Omirah 家世襲教主。遷都大馬色 Damascus 東平中亞細亞。而達印


度河。西卷非洲北岸。而達大西洋。更踰直布羅陀 Gibraltar 海峽。以西元七百十

一年。唐睿宗時。征服西哥德王國。更進侵高盧。法蘭。Francis 宮相查理馬的。Charles Martel 破之於都爾。Tours 兵鋒爲之一挫。既而有阿拔斯。Abul Abbas 者。傾覆翁米亞朝。奠都於報達。Bagdad 翁米亞遺族走西班牙。亦稱教主。奠都哥爾多華。Cordova 薩拉森大版圖分裂爲東西兩國。

薩拉森善建築。最長於科學。今世星學。化學。數學之類。皆薩拉森人開其基。哥爾多華尤爲學術之淵藪。歐洲學子爭來就學。薩拉森又善營商業。東自中華。印度。西迄大西洋沿岸。薩拉森商賈無不往來。報達亦爲東西貨物之集散地。繁昌未見其比。

薩拉森之
文化

哥 爾 多 華 寺 院



第四節 基督教之分裂

教王之起

基督教會其始組織簡單。信徒即僧侶也。迨傳布既廣。乃有僧俗之區別。即僧侶之中亦分階級。而主教大主教之名稱以生。尤以羅馬大主教。龔位者多。一時英傑如利奧第一 Leo I. 額我略第一 Gregory I. 皆竭力教化日耳曼人。使西歐人民之信仰胥集中於彼。遂稱爲教王。儼如獨立之君主。

教會之分裂

東羅馬自薩拉森興後。領土多失。國運日衰。然西元七百十六年。唐玄宗初。利奧第三爲東羅馬帝。薩拉森人圍君士坦丁堡。利奧能擊退之。又發勅令。禁基督教人拜畫像。西元七百十六年。羅馬教王不奉命。由是君士坦丁堡教會與羅馬教會嫌隙日深。終分裂爲東西二派。西曰羅馬教 Roman Catholic。東曰希臘教 Greek Catholic。

教王領土之起原

既而教王利奧第三爲倫巴人所迫。欲倚法蘭爲援。時法蘭墨羅溫朝已衰。宮相擅權。自查理馬的擊退薩拉森後。勢威益振。教王與查理之子不平。Pepin 結託西元七百五十一年。許不平廢墨羅溫朝。使即王位。是爲喀羅林朝 Carolingian。於是不平深德教王爲擊退倫巴人。取意大利中部之地。以獻於教王。教王領地由此始。

時西元七百五十五年也。唐玄宗寶曆

第五節 夏理曼帝國之興亡

夏理曼之
經路

夏理曼政
治

丕平之子曰夏理曼 Charlemagne 剛毅有大略欲統治日耳曼全族征戰四方前後三十年遂亡倫巴而戴其王冠擊西班牙之回教徒拓境於庇里尼山外又平北方之薩克森族東方之巴威略 Bavaria 阿華 Avars 斯拉夫 Slavs 諸族於是歐洲西部除西班牙及意大利南部外概皆戡定教王利奧第三欲再興西羅馬帝國西元八百年唐德宗時夏理曼赴羅馬利奧奉帝冠加於夏理曼之首以爲西羅馬帝

夏理曼明於政治分全國爲各州并建邊邑州置牧邊邑置鎮將每歲遣巡察使以考其治績又獎勵農工建廟宇興學校盡力於文化遂使混沌之歐洲漸次恢復其光明西元八百十四年唐懿宗時夏理曼卒於亞琛 Aachen 年七十一

喀羅林朝統系表

帝國分裂

查理瑪特 不平

(表一表六)

洛提 (意大利帝) (此統八七五年絕)

阿努夫 Arnulf (此統九一一年絕)

夏理曼 路易

(表六八四) (六四一六四)

路易 (東法蘭王)

查理

查理 (西法蘭王) (此統九八七年絕)

夏理曼之子路易 Louis 暗弱。國又亂。及路易死。國遂三分。長子洛提 Lothair 得法蘭中部及意大利。稱帝。仲子路易得法蘭東部。季子查理得法蘭西部。皆稱王。既而洛提卒。路易查理以西元八百七十年^{唐宗時}締墨森 Meersen 條約。剖分法蘭中部。於是法蘭舊國析為東西兩法蘭。東法蘭仍守日耳曼之風俗言語。(是為德意志 Deutsche) 西法蘭則漸染羅馬之文化。以成後世之法蘭西 France

第六節 諾曼之建國

掠諾曼之寇


諾曼擾法蘭西

諾曼 Norman 者。斯干底維亞 Scandinavia 半島之日耳曼族也。喜冒險。以海賊為業。出沒於沿海。夏理曼時。屢寇北海沿岸。自帝國分裂後。侵略西法蘭尤甚。屢溯塞納 Seine 嘎倫 Garonne 諸河。焚劫內地。西法蘭王患之。西元九百十一年^{代五}

諾曼擾英
吉利

諾曼建俄
羅斯國

諾曼船



時梁
以塞納河口之地賜諾曼酋長祿羅

中學校教科書 西洋史 卷上

Rollo 封爲諾曼底 Normandy 公使拒他

寇之侵入者

英吉利亦自西元八世紀之末唐季葉之甚苦

諾曼之擾其王亞勒弗烈 Alfred 雖勇武

亦不能驅之乃割地以與之西元一千

零十六年宋時諾曼酋長甘紐特 Canute

遂全併英國兼爲那威 Norway 瑞典

Sweden 丹麥 Denmark 三國之王威

勢甚盛

諾曼又植民於蘇格蘭 Scotland 愛爾

蘭 Ireland 發見埃斯蘭 Iceland 格林

蘭 Greenland 進至北美洲殖民其地

諾曼又侵略東方經過俄羅斯 Russia 內

地。而與君士坦丁堡通商。西元九世紀中葉。唐之諾曼支族。曰羅斯。Rus者。其酋長祿列克。Patrik 征服斯拉夫。Slavs 人。建俄羅斯國。都諾弗哥羅。Novgorod 是為祿列克朝。

諾曼人既居法蘭西之諾曼底。漸與法蘭西人同化。信奉基督教。國勢日隆。至威廉 William 時。英吉利王統中絕。威廉求為英王。西元一千零六十六年。宋時英遂渡海。征服英國。是為諾曼朝。嗣後英國與大陸關係日親。言語風俗為之一變。諾曼騎士。又於西元十一世紀之初。宋時仁入意大利南部。遂占領之。回教徒。而據其地。因建那不勒。Naples 王國。

第二章 教權擴張時代

第一節 聖羅馬帝與教王之交涉

自西元九百十一年。喀羅林王統之絕也。德意志 Deutsche 成為選舉王國。當是時。德意志所患在於諸侯之放恣與外族之侵凌。迨鄂圖 Otto 為王。削諸侯之封土。而殺其權。西元九百五十五年。周時又大破馬加 Magyars 人。永除寇擾之患。適

意大利內亂。鄂圖復乘機平定之。西元九百六十二年。宋太祖時鄂圖受帝冠於教王。稱神聖羅馬皇帝。神聖羅馬帝國由此起。嗣後德意志王必行加冕禮三次。以其兼為德意志王。意大利王及神聖羅馬帝也。

先是羅馬教王乘夏理曼帝國分裂之機會。漸擴張其教權。遂欲進握政治之權。然如鄂圖及亨利第三Henry III.等皆有勢力之帝王。教王不能逞。迨西元一千零七十二年。宋英宗時額我略第七Gregory VII.為教王。而情勢遂變。額我略第七起

教王額我第七略



自微賤。然性英銳。自以為教王有無上權力。欲使帝王咸俯聽其教令。極意整飭教會。禁僧侶娶妻。禁帝王不得任命僧職。聖羅馬帝亨利第四大怒。宣言廢黜教王。教王亦削帝教籍。布告諸侯臣民。解除盡忠於帝之義務。於是諸侯之有怨於亨利第四者。乘機謀廢立。亨利第四不得已。

謁教王於堪諾撒。Canossa 蒲伏謝罪。事乃已。時西元一千零七十七年也。宋神宗時亨利自是愈愧恨。復起兵入意大利。額我略第七南走。托庇於諾曼人。憂憤而死。

教權之隆盛

至西元一千一百二十二年^{宋徽宗時}聖羅馬帝與教王締約於窩牧。Worms 帝願棄其簡任僧職之權。惟僧侶宜誓盡忠於帝。於是多年之爭。一旦結局。然政教兩權之衝突。仍不能免。德意志諸侯。分爲教王黨。帝黨。彼此相爭。教王常占優勝。至英諾森第三 Innocent III. 爲教王時^{西元一一九八}爲教權極盛時代。天下無敢與之爭者。

第二節 十字軍

(*Invading the Holy Land = Cross*)

十字軍之原因

基督教徒。參拜耶路撒冷 Jerusalem 聖地之習俗。起於西元四世紀間^{東晉}。嗣後與年俱盛。及耶路撒冷爲薩拉森所有。參拜者仍不絕。薩拉森人亦優待之。至西元十一世紀之初^{宋真宗時}塞爾柱突厥 Seljuk Turks 人興起。領有西亞細亞。并取耶路撒冷。凡來參拜者。輒肆行殺掠。參拜者歸歐洲。宣布其慘狀。適東羅馬亦苦突厥之侵擾。乞救於羅馬教王。西元一千零九十五年^{宋哲宗時}教王歐賁第二 Urban II. 開大會於法蘭西之格理蒙 Clermont 謀恢復聖地。決以明年出征。以紅十字徽章爲記。


是時西歐人心狂奮。男女老幼。不期而集者數萬人。不能待明年出征之期。卽行出發。乃未及至聖地。已悉爲敵軍所殲。迨西元一千零九十六年。洛林 Lothringen 公



十字軍出征

高弗黎 Godfrey 率法蘭西意大利諸騎士分海陸前進。會於君士坦丁堡。費時三年。歷險萬狀。始得至耶路撒冷。因建耶路撒冷王國。以高弗黎領之。是爲第一十字軍。其後耶路撒冷王國爲突厥所攻。勢極危殆。各國王侯起第二十字軍援之。又有各國騎士組織諸會。以期擁護聖地。然終不能擊退異教徒。宗教之熱心。因之頓減。迨西元一千二百七十年宋時第七十字軍以後。更無復有置念者。至十三世紀之終。亞洲之基督教國。全然滅亡。

十字軍時代諸國圖



第五圖

十字軍時代諸國圖
第一卷
十字軍十次

0 10 20 30

30

十字軍之
結果

十字軍雖無成功。然亦非無所益。(一)接觸薩拉森文化。使歐人智識增進。(二)東西交通日繁。貿易因之發達。(三)諸侯騎士之從軍者。多戰死。封建制度自然廢壞。(四)市府之興盛。凡此等皆其顯著者也。總之十字軍以後。歐洲社會情狀大異於前矣。

第三節 英法之進步

英領土之
廣

威廉入英以後。諾曼朝廷治英。吉利者百年。西元一千一百五十四年。宋時高威廉之系絕。安如 Anjou 伯亨利第二由法蘭西入承大統。是爲不蘭他日奈 Plantagenet 朝。亨利并襲其父母妻所傳封土。甚爲廣大。自諾曼底外。兼有法蘭西西部大半之地。又征服愛爾蘭。雖法蘭西王亦不敵其勢力。

法國王權
之擴張

法蘭西自西元九百八十七年。宋時太喀羅林統系之絕也。法蘭西公喀施 Capet 繼爲王。然其領地。不過巴黎 Paris 一帶。此外皆爲強大之諸侯所據。其間以英王所領爲尤多。歷代之王皆以擴張王權。排除英國勢力爲政策。西元一千一百八十年。宋時孝腓力第二 Philip II 卽位。昇特權於市府。以抑制諸侯。又乘英王約翰 John

quintus cartae magna charta) 第五卷

英國憲政之基礎

中學校教科書 西洋史 卷上

之昏愚而沒收其領地。國勢大為發展。

腓力之孫路易第九。

宋理宗世

世稱曰聖路易者也。


以奉神最

力謀擴張王權。獎勵

學藝。勦滅南方異教徒。以期宗教之統一。又置高等裁判所於巴黎。以制諸侯之橫暴。而保護民權。於是法蘭西王權頓強。大其孫腓力第四。至與教王邦尼腓第八 Boniface VIII. 相爭而行廢立。

英王約翰既失法國之領地。且因與教王英諾森相爭。削除教籍。約翰獻英吉利於教王。乃得赦免。英之貴族人民咸憤王之暴虐。起與之抗。西元一千二百十五年。宋寧宗時使簽押大憲章。以制限王權。保障民權。為英吉利立憲政治之基礎。其後亨利第三圖破壞之。貴族僧侶集於奧

封 建 時 代 之 城 堡



克·斯·福·Oxford 州市代表亦預會。迫王誓履行大憲章。是為英吉利議會之濫觴。時西元一千二百六十五年。宋時度由是觀之。法國則王權日以鞏固。英國則立憲制度。日以發達。兩國之進步殊異。其趣也。

第四節 西歐之制度及社會狀態

封建制度在中古時代為西歐所通行。先是法蘭查理馬的為防薩拉森之侵入。分所領以與部下。使之飼軍馬。練馬術。以備他日之從征。斯即封建制度之起原也。其制。授封土者為君主。受之者為臣屬。君有保護臣屬之義務。臣有聽從君主命令。服軍役。獻金幣之義務。西元十一世紀北宋以後。封建之制遂普行於歐洲。凡有土之人。冀領地之平安。則必與豪族結君臣之關係。豪族亦分割己之所領。以養其下。雖僧侶之有領地者。亦皆養兵自衛。故自王侯以下。至於士民。迭相為君臣。成一種社會之組織。

自封建制度發達而騎士遂出於其間。當時社會幾有不為騎士。即不可為人之觀。

士 騎 之 代 時 建 封



為騎士者。必當受一定之教育。幼時入王侯貴族家為侍童。俾之習禮儀。練武藝。歷十餘年。始能得騎士之名號。居常以忠節任俠。廉恥為重。以遵守教儀。擁護教會。尊敬貴女。為天職。一時成為風氣焉。

中古史之初期。史家謂之黑暗時代。幸賴基督教會熱心教化。開公益。勸農工。人人以教會為德澤之源。泉。渴仰之念甚厚。故僧侶之

大有勢力於社會也。與騎士同領土地。畜兵馬。威凌王侯。且各地廣建廟宇。崇宏壯麗。極當代之鉅觀。

因宗教隆盛。而僧社大起。僧社者。求道之徒。欲離塵世。就安和之地。而專心修行也。

西元六世紀時。梁陳之世聖俾尼提。St. Benedict。創俾尼提社。Benedictine Order。於

意大利。為僧社之端。至西元十三世紀。南宋季世方濟各社。Franciscan Order。度明

平民市府

東歐諸國

蒙古西征

哥社。Dominican Order 相繼而起。均從事傳道以救人民之貧苦。十字軍以來。因商業之振興。而市府亦皆富強。築城郭。養兵士。以自衛。成爲獨立之自治體。且諸市府又互相聯合。以圖貿易之安全。防騎士之橫暴。如漢撒口。Alans 同盟。來因。Rhine 同盟。其勢能與王侯相抗。

第五節 蒙古西征

俄羅斯自西元十世紀之終。北世宋祿列克 Rurik 之裔烏拉的米爾第一 Vladimir 遷都於基輔。Kiev 奉希臘教。輸入希臘文化。以期發達其國家。乃其後內亂不絕。分爲多數之小國。俄羅斯之西。有斯拉夫族所建之波蘭 Poland 其南有馬加 Magyar 人所建之匈牙利 Hungary 皆於西元十世紀之終。眞爲王國。改奉希臘教。亦因內亂之故。國勢不振。

當是時。蒙古崛起東方。太祖鐵木眞。統一蒙古諸部落。稱成吉思汗。略金及西夏。併回鶻。西遼。更西向而滅花刺子模。Khwarezm 勢威甚盛。

宗教三

聯合三事業：教化，慈善事業，防盜寇
2. 歐三事業：教化，慈善事業，防盜寇
西宗教勸農耕

東西之交

西亞諸汗國

中學校教科書 西洋史 卷上

四十六

鐵木真卒。子太宗窩闊台繼位。命其姪拔都為元帥。大舉西征。所向無敵。連陷莫斯科。 Moscow 基輔。肆焚掠。別軍趨波蘭。侵入匈牙利。西元一千二百四十一年。宋時理大破德意志諸侯之軍。歐洲震恐萬狀。適拔都得窩闊台汗之訃。遂班師。奠都窩瓦 Volga 河畔之薩萊。 Sarai 是為欽察汗 Kiptchak Khan 國。

其後鐵木真之孫旭烈兀。又率師西征。西元一千二百五十八年。宋時理滅報達之回教國。奄有波斯之地。建伊兒汗 Ilkhan 國。而鐵木真第二子察合台。已先領有中亞細亞。建察合台汗國。旭烈兀之兄忽必烈。以西元一千二百七十六年。宋時理滅南宋。奠都燕京。國號元。

馬哥孛羅



羅馬教王見蒙古勢力之盛也。欲廣布基督教於蒙古。俾藉蒙古之力。夾擊敘利亞埃及之回教徒。遂遣使前往東西之交。通因之日繁。僧徒商侶東行者不絕。如委尼斯 Venice 之馬哥孛羅 Marco Polo 為忽必烈所寵遇。仕元朝。凡二十餘年。

宗教之狀況：

1. 普遍性
2. 富力
3. 權力
4. 破力

Roman Catholicism

羅馬天主教

舊教之衰
尚除教籍

第三章 國家主義發生時代

第一節 教權之衰微 附封建之廢

在西元十三世紀時。宋元之際為羅馬教會權力極盛之世。教王儼如歐洲之共主。各國帝王概歸統御。然教會之內。部日趨腐敗。怠於慈善教化之職。惟驚心於俗務。漸失世人之信仰。實為教權衰微之因。

法蘭西王腓力第四。以財政困難。課國中僧侶之稅。教王邦尼腓第八。嚴拒之。且欲頒令逐腓力。西元一千三百零二年。元成宗時腓力集僧侶貴族市民。開大會議。藉為後援。以抗教王。遂廢邦尼腓。而立格理門第五。Olement V. 格理門。法蘭西人。也不居羅馬。居於法蘭西之亞威農。Avignon 嗣後教王居其地者。凡七代。六十餘年。恒為法蘭西王所利用。

羅馬旋亦別立教王。於是兩教王相對立。法蘭西西班牙奉亞威農教王。英吉利意大利奉羅馬教王。教會分裂為二。至西元一千四百十四年。明成祖時聖羅馬帝西琪門。Sigismund 開宗教大會於君士坦斯。Constance 教會始復合為一。然由是宗教

宗教之衰弱
 即宗教改革之原因
 1. 教皇向起之墜落
 2. 宗教之起
 3. 異端之起
 已比倫因
 國家利權
 十字軍
 之廢
 到建制度
 經 乘 運 新 教 之 先
 法 Walden 二
 章

之威信益墜矣。

中學校教科書 西洋史 卷上

四十八

先是英吉利有威克理夫 Wycliffe 波希米 Bohemia 有虎斯 Hus 等憤教會之腐敗毅然欲大行改革。君士坦斯會議時威克理夫已卒乃目虎斯為異端處以火刑改革雖未成然實為新教之濫觴。

十字軍戰後歐洲生計為之大變騎士受影響尤鉅日陷於困難誅求農民猶不能饜乃至擄人勒贖或剽掠商貨昔也以騎士為封建之花今則概化而為盜賊到處橫行武士道之精神完全喪失。

當是時瑞士 Switzerland 創制步兵隊大破奧地利 Austria 公之騎士宣告獨

立詳下節震動歐人耳目法蘭西王德意志帝即聖羅馬帝爭雇用瑞士人編為步兵各

國相繼徵集國民以為常備軍歐洲兵制大為改革騎士勢力益衰加以西元十四

世紀中葉元之季世火礮之術由東方輸入歐洲諸侯城砦概不足恃國家主義日益盛

大為國王者務削諸侯集權中央封建制度遂廢矣。

第二節 國家主義之發達

國家思想發達以後可以前之

(註釋) 國家思想發達以後可以前之

1. 權力不統一

2. *Class lines* 以階級差別的

Natural lines 以國家自然

3. 愛國心

4. 政府組織擴大

5. 宗教

God } Holy Roman Church

Holy Roman Empire

1. 教皇

2. 皇帝

3. 聖羅馬帝國

4. 聖羅馬帝國

5. 聖羅馬帝國


西元一千三百二十八年。^{元時}法蘭西王查理第四^{力第}。喀施朝^{力第} Capet 之
 統系絕。以旁系瓦羅亞^{力第} Valois 氏入繼大統。是為腓力第六。然而英吉利王愛德華
 第三^{力第} Edward III. 因已母為腓力第四之女。起而與腓力第六爭王位。於是自西
 元一千三百二十九年^{元時}以來。戰爭互百餘年。是為百年之戰。其始戰也。英軍大
 捷於克勒西^{力第} Crecy。占領法蘭西之西半。既而法軍復勝。恢復其所失地。最後則英
 人乘法國內訌。再引軍來攻。西元一千四百十五年^{明時}。戰於阿金庫爾^{力第} Agincourt。
 大破法兵。進圍奧爾良^{力第} Orleans 城。法蘭西之危亡。迫
 於旦夕。時有少女約安達克^{力第} Jeanne d'Arc 奮然而
 起。自稱神使。率義勇之士。徑解奧爾良之圍。法國軍氣
 為之大振。西元一千四百五十三年^{明時}。遂盡逐英軍
 於國外。除加萊^{力第} Calais 港外。諸地概行恢復。於是法蘭
 西人皆欲鞏王權。以制諸侯。創設常備軍。加以路易十一^{力第} Louis XI.
 巧施詐術。盡奪諸侯之權。全國因之統一。王權日張。

克達安約



西元一四一四至一四八三

百年戰爭英法兩國統系表



薔薇戰爭

英·吉·利·王·統·以·西·元·一·千·三·百·九·十·九·年。明·時不·蘭·他·日·奈·Plantagenet之系絕。

蘭·喀·斯·他·Lancaster家代之百年戰爭既畢。蘭·喀·斯·他·約·克·York兩家又因爭

王位而起戰。謂之薔薇戰爭。擾攘凡三十年。蘭·喀·斯·他·之·統·絕。約·克·諸·王·亦·多·橫·死。

西元一千四百八十五年。明·時宗·時·蘭·喀·斯·他·之·女·系·都·鐸·爾·Ducor氏入繼位。建都鐸。

爾朝稱亨利第七。娶約克家女子爲妻。兩家始和王權擴。張國內統一。

蘭喀斯他約克兩家統系附誌都鐸爾公愛德曼係喀德璘再嫁歐文都鐸爾所生後娶蘭喀斯他家之女而生亨利第七

黑王子

愛德華一 理查第一 Richard I.

閔路斯他公

約克公 約翰一 亨利第四一 亨利第五一 亨利第六一 愛德華(統絕)

愛德華第三⁽¹⁾

喀德璘 愛德曼一 亨利第七

都鐸爾公 亨利第八

約克公 愛德曼一 理查一 理查

Edmund

愛德華第四一 依利薩伯

Elizabeth

理查第三一 愛德華第五

西班牙與

西班牙於西元十一世紀中葉南宋初基督教大興。分建爲數邦。蠶食薩拉森之領土。

後因亞拉岡 Aragon 王斐迪南 Ferdinand 與加斯德臘 Castile 女王依薩伯

拉 Isabella 結婚。遂建西班牙一統之基。西元一千四百九十二年明孝宗時滅古拉那

達 Granada 薩拉森人全被逐於半島。葡萄牙 Portugal 本屬加斯德臘。於西元十

一世紀之末獨立。當末世末期。從事於航海探檢。擴領土於海外。國勢頗振。

德意志王以兼爲聖羅馬帝之故。歷代致力經營意大利。不遑顧卹其本邦。以致諸侯跋扈於國中。帝惟徒擁虛位。自西元一千二百五十四年宗時至一千二百七十三年宋時。二十年之間。帝位久闕。成爲無政府之世。西元一千三百五十六年元時。查理第四被選爲帝。頒金詔以定國憲。諸侯有選帝之權者。凡七侯。謂之選侯。其二侯乃主教也。國內由是漸靖。

七選侯表

- 第一 赫斯 Mainz 大主教日耳曼國師
- 第二 多利耳 Trier 大主教布根底 Burgundy 國師
- 第三 哥隆 Cologne 大主教意大利國師
- 第四 波希米 Bohemia 王爲主酒
- 第五 巴拉丁 Palatinate 侯爲膳正
- 第六 薩克森 Saxony 公爲太僕

瑞士獨立

第七 不蘭敦堡 Brandenburg 伯爲侍從

瑞士 Switzerland 本德意志帝國之一部。奧地利 Austria 公欲收爲私領。瑞士諸州聯合反抗之。西元一千三百十五年元仁宗時摩伽甸 Margaretan 之戰。及一千三百

八十六年明太祖時森帕哈 Sempach 之戰。皆大破奧地利軍。獨立之基遂固。

意大利分裂

意大利夙欲脫離德意志帝之羈絆。抗戰甚久。卒達其希望。西元十五世紀中葉明世宗分爲威尼斯 Venice 共和國。米蘭 Milan 公國。佛羅稜薩 Florence 共和國。教王領地。及那不勒 Naples 王國等。互相對立。其中委尼斯。以海上貿易致富。佛羅稜薩。由美地奇 Medici 氏世握政權。以保護文藝著稱。

第二節 土耳其之興 附俄羅斯獨立

土耳其之興

鄂托曼 Ottoman 者突厥 Turks 之支族。隸屬於塞爾柱 Seljuk 朝。西元十三世紀之終。元之葉中酋長鄂托曼 Osman 獨立。建國於小亞細亞。是爲土耳其 Turkey 之始。其子歐汗 Orhan 全有小亞之地。其孫阿穆拉第一 Amurath I. 進據東羅馬之大部。西元一千三百六十五年元順帝時取亞得里亞堡 Adrianople 而都之。當是

東羅馬之
亡

俄羅斯獨
立

時土耳其練新軍。軍人以領土內異教徒之少年充之。勇悍精銳。爲土耳其陸軍之中堅。故阿穆拉之子拜牙。即第一 Bajazet I. 時已征服巴爾幹 Balkan 半島之大部。西元一千三百九十六年。明時土耳其兵擊破匈牙利 Hungary 聯軍於尼哥坡利。Nicopolis。進圍君士坦丁堡。東羅馬危迫旦夕。時東方察合台國有帖木兒 Timur or Tamerlane 出。統一國內。又併伊兒汗之地。北討欽察。南征印度。擴地至於恆河。遂轉師西向。進攻土耳其。西元一千四百零二年。明時拜牙即迎戰於昂哥拉。Angora。大敗被虜。土耳其勢頓挫。東羅馬之喘息得以苟延。

西元一千四百零五年。明時帖木兒卒。其國分裂。土耳其之勢再起。西元一千四百五十三年。明時拜牙即之孫穆罕默德第一 Mohammed I. 遂陷君士坦丁堡。而遷都焉。東羅馬國亡。自是土耳其地跨歐亞兩洲。國勢益振。西歐諸國皆恐。

俄羅斯 Russia 自蒙古入主。屈伏其下者二百五十餘年。帖木兒卒後。欽察汗國日衰。於是莫斯科 Moscow 公伊凡第三 Ivan III. 遂獨立而再興俄羅斯。時西元一千四百八十年。明時宗時憲也。

新藝術與——知識的革命
 宗教改革——信仰的革命
 新大陸之發興——經濟的革命
 藝術之復興

文藝復興之原因

第四節 文藝復興

自日耳曼族擾亂歐洲。羅馬古代之文化。殆瀕於絕滅。僅恃僧侶之維護。以延一線之光明。厥後。又以宗教勢力。過於偉大。學術文藝。總不能脫其羈絆。卽至哲學。亦不過引古人之成言。以證基督教之教義。所謂煩瑣哲學者也。迨中世末葉。教會勢漸衰。封建之制又壞。實業興起。歐洲人心。煥然有新氣象。文藝因之復興。

此風首啟於意大利。詩人丹第 Dante 爲之魁。文學之士相繼而出。然猶未能脫除宗教之約束。以自由之精神。鑽研學問也。故世稱之曰復古學派。既而土耳其西侵。東羅馬亡在旦夕。希臘文人學士。咸抱書籍。避難於意大利。佛羅稜薩諸國之政府。爭優遇之。於是研究古代文學哲學者大盛。風潮傳播歐洲諸國。德意志學子繼之而興。有能著書以譏當時宗教之弊者。

是時。美術亦盛起。建築繪畫雕刻之類。名家甚多。如伯倫斯奇 Brunelleschi 布拉曼 Bramante 之建築。拉斐爾 Raphael 之繪畫。彌啓蘭 Michelangelo 之繪畫。而兼雕刻。皆能發揮絕妙之技。極當代之大觀。

歐洲書籍。向用羊皮紙寫之。其價極昂。自文學復興。學子日增。需書日亟。適德意志人約翰哥丁。John Gutenberg。於西元一千四百五十年。明景帝時發明活版術。且意大利亦先發明製造洋紙之法。於是書籍得以廣播於文化之進步。大有功也。

第五節 新航路新大陸之發見

十字軍以來。東西交通漸繁。歐人或營商利。或爲傳教。東行者不少。智識因之開廣。迨馬哥孛羅 Marco Polo 歸自元朝。著東方游記。稱道中華及東方諸國之富盛。尤足動歐人之心。乃西元十四世紀之末。土耳其占領東羅馬。東西交通之衢。因之杜絕。歐人欲別啓航途。直達亞洲。葡萄牙人首起而經營其事。

葡萄牙王子亨利 Henry 大遣遠行隊探檢非洲西岸。西元一千四百八十六年。

明憲宗時地亞士 Bartholomew Diaz 達於非洲南端之好望角。Cape of Good Hope

西元一千四百九十八年。明孝宗時達伽瑪 Vasco da Gama 遂周航非洲而至印度。

當是時。熱那亞 Genoa 人哥倫布 Columbus 確信地圓之理。以爲欲達印度。與其

東航。不若西行之捷。請於西班牙女王依薩伯拉 Isabella 以西元一千四百九十

二年。明時率三船發巴羅斯 Palos

港。行大西。洋。凡七十餘日。始達聖薩

耳瓦多 San Salvador 島而還。嗣是

哥倫布凡三度航行大西。洋。以次發

見西印度諸島。及南美之荷勒諾哥

Orinoco 河口。迄於其沒。猶以爲己

至。印度之一地。不知爲新大陸也。其

後佛羅稜薩人亞美利哥 Amerigo

前往旅行。著游記傳於世。世人遂稱新大陸爲亞美利加 America 洲。

新航路新大陸既發見於通商貿易大有影響。向來意大利諸市如委尼斯熱那亞

等。握東方貿易之權。至是頓衰。葡萄牙西班牙代之而起。其他精神上物質上種種

之影響亦極偉大。歐洲社會之狀態爲之一新。

哥倫布至美洲登陸




新大陸之
發見

發現新大陸之原因：

1. 高峯之阻害，土耳其以高峯阻行。
 2. 羅盤針及測氣儀之應用。
-

新航路新地發見圖



第六圖

教育部審定批詞

中學和國教科書
西洋史

上册批

條例分明取材

亦簡而不漏教

科書體裁此爲

最宜

下册批

取材敘事繁簡

合度與上册同

爲中學校教科

用書

部(319)

REPUBLICAN SERIES History of Western Countries

For Middle Schools
Approved by the Board of Education
Commercial Press, Limited
All rights reserved

中華民國十年七月十八版

(中學校用)

(共和國西洋史二册)

(卷上紙布面每册定價大洋肆角)
(外埠酌加運費匯費)

編纂者 寧鄉傅運森

發行者 商務印書館

印刷所 上海北河南路北首復山路
商務印書館

總發行所 上海棋盤街中市
商務印書館

分售處 北京天津保定奉天吉林龍江
濟南南昌太原開封洛陽西安
南京杭州蕪湖安慶蕪湖南昌
商務印書館分館

漢口長沙常德衡州成都重慶
瀋陽福州廣州潮州香港桂林
梧州雲南廣陽張家口新加坡

此書有著作權翻印必究
中華民國二年八月十四日稟部註冊九
月一日領到文字第一零六號執照

五四〇二丁

7
6
5
4



100
100
100